

zu welche Kupffer acht centner frisch ein strichs zugefetzt werden/welcher jeder ein vng vnd ein quintlin sylbers in sich haltet / alle zumal drei vierdteil / auch frisch pleys drei centner / in welcher jedē ein quintlin ist / mit welcher weise / vier stück diser art in sich ein pfundt sylbers / sieben zwölffteil / ein halb loht / vnd ein quintlin haltend / vn also ein jetlicher centner pleys / so er von dē Kupffer gschieden wirt / helt in sich anderthalb vng vn ein halb loht sylbers / welche mischung wir reich einstrich heissend. Als dan abermals auß anderen dritthalben centnern des übergē Kupffers / vn 11 centnern pleys werde vier stück gmacher. Wan aber nuhn in jedē centner Kupffers auch ein dritteil sylbers ist / in so viel des geringeres metals centnern / ist des kostlichen sechstheil darin / zu welche Kupffer des reichē einstrichs neun centner zugefetzt werden / welcher jeder anderthalbe vng vn ein halb loht sylbers / auch des frischen einstrichs 2 centner / in welcher beide ein vng vnd ein quintlin sylbers seindt / mit welcher weiß 4 diser art stück haltend in sich zwei pfundt vnd ein dritteil sylbers / vnd also jetlicher centner pleys / so er vom Kupffer gschieden wirdt / haltet in sich ein sechstheil vnd ein loht sampt ein quintlin sylbers / welche mischung wir ein treib vnd werckpley heissend: diß wirt in die treiböfen getragen / in welchen das pley vom sylber gschieden wirt: in wie viel vnd mancherlei weisen das pley nach seinem mancherlei zusatz des sylbers das darin ist / mitt pley gemischt werde / so beides im schmelzofen glossen / vnd in tiegel herab fleussset / hab ich gsagt / nuhn wil ich sagen / mit was weiß / das pley zugleich mit dem sylber / vnd widerumb vom Kupffer gschieden wirdt. Die stück erstmal also mitt dem Kranich von der erden gehebt / sollen auff küpffernen blächen 8 schmelzöfen glegt werden / ein hacken der Ketten vom dem schnabel des Kranichs so herab gelassen / soll in den ring der zangē geschlossen werden / die in der einen scheren ein hacken hatt / in welcher zangen beide stil ein ring geschlossen ist / vnd dise zwen ring / widerumb in dritten ring / in welche darnach ein hacken der Ketten ist. Aber der hacken der scheren mitt dem feustel geschlagen / soll in das loch des stucks dringen / in welche der fuß des hacken ist gelassen / da er von der pfannen gehebt wardt. Aber die andere schere der zangen die kein hacken hatt / soll das stück zusammen trucken / das nicht sein hacken auß im falle. Die zangen aber soll lang sein anderthalbē werckschüch / ein jeder ring soll anderthalbē quārfinger dick sein / sein stil sol einer spannen vnd zwen quārfinger breit sein. Aber solche Kranich mitt welchen die stück auß der pfannen gehebt / auff die erden glegt werden / vn von der erden widerumb auffglüpfte / in den schmelzofen glegt werden / sollen zwen sein / der ein in der mitte / die da ist zwischen der dritten quārmuren / vnd zweyen seulen / 8 ander in der mitte / die da ist eben zwischen disen seulen / vnd siebenden quārmuren. Beider wellen die gfiert ist / zwen werckschüch Breit vnd dick / soll von der dritten langen muren achtgehen werckschüch sein / von 8 anderen neungehen. Beiden Kasten sollen zwo scheiben gnüg sein / das ein soll ein fürgelege / das ander ein kamprad sein / beiß schnabel soll auß 8 wellen siebengehen werckschüch / drei spannē vnd so viel quārfinger heraus ghen. Beider hunde soll zwē werckschüch vnd so viel spannē lang / ein werckschüch vnd zwen quārfinger breit / von beider seitten ein spannen vnd zwē quārfinger dick sein / solle fünf löcher habē / in welche fünf messine scheiblin getriben werde / vnd welchen vier klein seindt / das fünfft ist viel grösser dan die anderen. Die löcher in welchen die kleine getriben werden / sollen zwo spannen lang sein / zün zeitten ein wenig breitter dan einer spannen / das die scheiblin dick einer spannen / aber breit einer spannen vnd zwen quārfinger seyend. Vier löcher seyend nach bey den vier ecken des hundts / das fünfft in der mitte der vorderen zweie / doch von dem vorderē teil soll es zwo spannē sein. Die scheiben so grösser dan die anderen / die in dem selbigen loch vmbgetriben wirt / soll dreier spannen breit / einer spannen dick / allenthalbē herumb hol / dz ein eiserne Ketten in dem selbigen holen teil vmbgange. Eben der hundt sol zwei felch in ha-